

哨或聚而間棲或分而迥趨壽同靈鶴性合一作本君子

阻重巖之險非虎豹所履蔭交柯之密豈鷗鶚能視故

逢蒙操弓彈一作憚高深而止鄧公折箭含惻隱而已何

患累之罕臻不干物以利已詎若獯獯一作狒狒凌人以就

戮猩猩甘酒而造死夫時珍貂裘世寶狐白彼徒一作徒能

工於隱伏終見陷於機辟麝懷香以賈害狙代一作伐巧

而招射小則翡翠殞於羽毛大則犀象殘於齒革孰能

去有用之損取無用之益因一作固棄置於常情永逍遙